



Republika e Kosovës
Republika Kosova - Republic of Kosovo
Qeveria - Vlada - Government

Nr. 02/03
Datë: 19.02.2020

Në mbështetje të nenit 92 paragrafët 3 dhe 4. të nenit 93 paragrafi (4) dhe të nenit 119 paragrafi 9. të Kushtetutës së Republikës së Kosovës, të nenit 5, paragrafi 1, lidhur me nenin 7, paragrafin 3, dhe nenin 19, paragrafin 3, të Ligjit 03/L-087 për Ndërmarrjet Publike, ndryshuar me ligjet 04/L-111 dhe 05/L-009, dhe pikën 4 të Rezolutës 06/R-013 të 12 korrikut 2018 të Kuvendit të Republikës së Kosovës, duke u bazuar në nenin 4 të Rregullores Nr. 02/2011 për Fushat e Përgjegjësisë Administrative të Zyrës së Kryeministrit dhe Ministrive, e ndryshuar dhe e plotësuar me Rregulloren Nr. 15/2017, me Rregulloren Nr. 16/2017, me Rregulloren Nr. 07/2018, me Rregulloren Nr. 26/2018 dhe me Rregulloren Nr. 30/2018, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, Qeveria e Republikës së Kosovës, në mbledhjen e mbajtur më 19 shkurt 2020, nxjerr këtë:

V E N D I M

1. Shkarkohet Bordi i Drejtorëve i Ndërmarrjes Publike Qendrore "Telekomi i Kosovës" Sh.A.
2. Shfuqizohen vendimet 09/38 i 29 marsit 2018, 10/81 i 24 dhjetorit 2018 dhe 03/106 i 11 qershorit 2019 të Qeverisë për emërimin e drejtorëve.
3. Vendimi hyn në fuqi ditën e nënshkrimit.

A R S Y E T I M

Për të vlerësuar gjendjen, është marrë parasysh Raporti i auditimit të Ndërmarrjes "Telekomi i Kosovës" për vitin financiar të përfunduar me 31 dhjetor 2018, nga Zyra Kombëtare e Auditimit (ZKA).


Sipas nenit 7.3 të Ligjit për Ndërmarrjet Publike, Qeveria mund t'i shkarkojë drejtorët nëse, për dy vjet radhazi, ndërmarrja nuk përmbush planin e biznesit, u bie vlera asetëve të ndërmarrjes, ose rritet pakënaqësia e konsumatorëve me shërbimet. Duke u mbështetur në raportin e ZKA-së (fq. 15-20, 27, 51-52), Qeveria konstaton se janë plotësuar kushtet për shkarkimin e drejtorëve.

Sipas nenit 19.3, Qeveria duhet t'i shkarkojë drejtorët menjëherë nëse ka "arsye për të besuar" se kanë shkelur detyrat fiduciare. Duke pasur parasysh raportin e ZKA-së (fq. 9-10, 20-27), Qeveria vëren se drejtorët kanë lejuar shpenzime të tepërta, punësime e gradime pa kriter, si dhe kontrata për mallra e shërbime, në kundërshtim me mundësitë, nevojat dhe zotimet e ndërmarrjes për ulje shpenzimesh e rritje të hyrash. Rijedhimisht, Qeveria konstaton se ka arsye për të besuar se drejtorët kanë shkelur detyrat fiduciare, për çka duhet të shkarkohen.

Përfundimisht, pika 4 e Rezolutës 06/R-013 të Kuvendit të Republikës së Kosovës gjithashtu kërkon shkarkimin e drejtorëve të ndërmarrjes. Sipas nenit 92, paragrafit 3, të Kushtetutës, Qeveria duhet t'i zbatojë rezolutat e Kuvendit.

Prandaj, mbështetur në normat dhe gjetjet e sipërcekura, Qeveria vendosi si në dispozitiv.

Albin KURTI



Kryeministër i Republikës së Kosovës

Iu dërgohet:

- Zëvendëskryeministrave
- të gjitha ministrive (ministrave)
- Sekretarit të Përgjithshëm të ZKM-ës
- Arkivit të Qeverisë
- Ndërmarrjes "Telekomi Kosovës" Sh.A.



Republika e Kosovës
Republika Kosova - Republic of Kosovo
Qeveria - Vlada - Government

Nr. 08/05
Datë: 06.03.2020

Në mbështetje të nenit 92 paragrafi 4. të nenit 93 paragrafi (4) dhe të nenit 119 paragrafi 9. të Kushtetutës së Republikës së Kosovës, të nenit 5 paragrafit 1 lidhur me nenin 43 të Ligjit 03/L-087 për Ndërmarrjet Publike, ndryshuar me ligjet 04/L-111 dhe 05/L-009, duke u bazuar në nenin 4 të Rregullores Nr. 05/2020 për Fushat e Përgjegjësisë Administrative të Zyrës së Kryeministrit dhe Ministrive, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, Qeveria e Republikës së Kosovës, në mbledhjen e mbajtur më 6 mars, nxjerr këtë:

V E N D I M

1. Emërohet Bordi i Përkohshëm i Drejtorëve i ndërmarrjes publike qendrore "Telekomi i Kosovës" Sh. A., me këtë përbërje:
 - 1.1. z. Genc Rraci, kryesues dhe drejtor
 - 1.2. z. Naim Maloku, drejtor
 - 1.3. znj. Luljeta Elezaj, drejtore
 - 1.4. z. Teki Shala, drejtor
2. Mandati i Bordit të Përkohshëm të Drejtorëve mbaron:
 - 2.1. Ditën që emërohet Bordi i Drejtorëve me mandat të plotë; ose
 - 2.2. Ditën që bëhen gjashtë muaj nga emërimi.
3. Vendimi hyn në fuqi ditën e nënshkrimit.

A R S Y E T I M

Për arsyet e cekura në memorandumun shpjegues të Ministres së Ekonomisë, Punësimit, Tregtisë, Industrisë, Ndërmarrësisë dhe Investimeve Strategjike, Qeveria vendosi si në dispozitiv.

Albin KURTI

Kryeministër i Republikës së Kosovës

Iu dërgohet:

- Zëvendëskryeministrave
- të gjitha ministrive (ministrave)
- Sekretarit të Përgjithshëm të ZKM-ës
- Arkivit të Qeverisë
- Ndërmarrjes "Telekomi i Kosovës" Sh.A.



Republika e Kosovës
Republika Kosova / Republic of Kosovo
Qeveria - Vlada - Government

Ministria e Ekonomisë, Punësimit, Tregtisë, Industrisë, Ndërmarrësisë dhe Investimeve Strategjike
Ministarstvo Ekonomije, Zapošljavanja, Trgovine, Industrije, Preduzetništva i Strateških Ulaganja
Ministry of Economy, Employment, Trade, Industry, Entrepreneurship and Strategic Investments

DATË/E:	6.3.2020
PËR/ZA/TO:	Qeverinë e Republikës së Kosovës
NGA/OD/FROM:	Rozeta HAJDARI – Ministre, MEPTINIS
TEMA/ SUBJEKAT/ SUBJECT:	Memorandum shpjegues për propozim-vendimin për emërimin e bordit të përkohshëm të drejtorëve të ndërmarrjes publike qendrore “Telekomi i Kosovës” Sh.A.

I nderuar Kryeministër Kurti,
të nderuar zëvendëskryeministra Hoti dhe Abazi,
të nderuar ministra:

Si ministre përgjegjëse, i propozoj Qeverisë ta emërojë një bord të përkohshëm të drejtorëve të ndërmarrjes “Telekomi i Kosovës” Sh.A. Këtë propozim e jap duke u mbështetur në Kushtetutë dhe në Ligjin për ndërmarrjet publike.¹

Për emërim propozoj këtë përbërje të bordit të përkohshëm:

- z. Genc Rraci, kryesues dhe drejtor;
- z. Naim Maloku, drejtor;
- znj. Luljeta Elezi, drejtore; dhe
- z. Teki Shala, drejtor.

Kur shkarkohet bordi i drejtorëve, neni 43 i Ligjit për ndërmarrjet publike detyron Qeverinë që sa më shpejt të emërojë një bord të përkohshëm të drejtorëve. Qeveria emëron katër drejtorë të përkohshëm, dhe ata mund të caktojnë kryeshefin e ndërmarrjes, i cili shërben si drejtori i pestë në bord. Ndonëse nuk lypset konkurs, për aq sa është e mundshme, duhet emëruar kandidatë që plotësojnë kushtet dhe cilësimet e përcaktuara për drejtorët me mandat të plotë.²

1 Kushtetuta e Republikës së Kosovës, neni 119.9; Ligji 03/L-087 për ndërmarrjet publike, ndryshuar me ligjet 04/L-111 dhe 05/L-009 (LNP), nenet 5.1 dhe 43.

2 Shih LNP, neni 17, para. 1 e 4.

Drejtorët e përkohshëm të propozuar janë ekspertë të sektorit në të cilin vepron ndërmarrja dhe ekspertë të qeverisjes së ndërmarrjeve (përfshi menaxhmentin, financat dhe auditimin), me përvojë të dëshmuar në vende të zhvilluara dhe te ne në Kosovë.

Rozeta HAJDARI

Ministre